

許逸民主編

②

清代文選學名著集成

● 廣陵書社

許逸民主編

②

清代文選學名著集成

廣陵書社

第二冊目錄

文選紀聞三十卷(卷八至卷末)

卷八	一
卷九	五七
卷十	九五
卷十一	一三五
卷十二	一六五
卷十三	一九五
卷十四	二二三
卷十五	二四五
卷十六	二七九
卷十七	三〇三
卷十八	三三一
一	一

清代文選學名著集成

卷十九	三六三
卷二十	三九五
卷二十一	四三一
卷二十二	四六五
卷二十三	五〇三
卷二十四	五四一
卷二十五	五七七
卷二十六	六一七
卷二十七	六四五
卷二十八	六六九
卷二十九	六九九
卷三十	七二九

文選紀聞卷八

吳郡 余蕭客 仲林

西征賦

潘岳西征賦文清旨詒

晉書五十五

枵

壽

備

營築

賴先哲之長懋

左傳夫豈无僻王賴先哲以免也蓋言賴先人以免

禍難西征賦賴先哲之長懋懋訓勉勵之勉改左傳

文於義未愜

匡謬正俗七

澡孝水而濯纓

山海經云平蓬山西十里虜山俞隨之水出於其陰
北波巨于穀世謂之孝水是水在河南城西十餘里
戴延之言在函谷關西劉證之 又云出檀山檀山
在宜陽縣西在穀水南無南入之理今川瀾北注泥
曠泥濘

亭有千秋之號

穀水又東逕千秋亭南其亭纍石爲垣世謂之城西
征賦亭有千秋之號謂此

並水經注十六

千秋亭在澗池

縣東二十里潘岳喪子處

寰宇記五

我祖安陽

安陽城在硤石縣西四十里漢書上官桀侯國

寰宇記六

憩乎曹陽之墟

曹陽亭晉書地道記曰在宏農縣東十二里谷水自

南山通河亦謂之曹陽坑

水經注四

競遯逃以奔竄

漢書賈生傳云九國之師遁巡而不敢進師古注遁音千旬反流俗本巡字誤作逃讀者因爲遯逃之義潘安仁曰遯逃以奔竄誤僕謂師古未深攷史記曰九國之師逡巡遯逃而不敢進又曰豫讓遯逃山中遯逃二字司馬遷用之不可謂安仁之誤杜子美詩

注謂逖逃出蕭望之傳又誤

野客叢書十七

長傲賓于柏谷妻覩貌而獻餐

柏谷水北流逕其亭下漢武帝嘗微行此亭見饋亭

長妻故西征賦長傲客于柏谷妻覩貌而獻餐

水經注四

案賦言長傲賓妻獻餐則得罪乃亭長獻餐亭長妻善注引漢武帝故事亭長不納投宿逆旅與賦不合

不顧闕

遡黃巷以濟潼

黃巷謂潼關之外深道如巷土色正黃故謂之黃巷

過此長巷卽至潼關此巷是古昔以來東西大道車

徒輻湊飛塵飄散所以極深隋帝惡其濬險始移大道更開平路今故跡猶存而說者乃曰巷當爲卷音去權反解云今闕鄉西黃天原是按黃天原在舊闕鄉潘生自秦之東不得先發闕鄉始泝黃巷且闕鄉側行道在平川非爲遡原也此爲穿鑿妄生異見且則賦本千萬有作卷字者乎

匡謬正俗七

繡 麗

蘭池周曲

蘭池陂卽秦蘭池在咸陽縣東二十五里始皇引渭水爲池東西二百里南北二十里築蓬萊山刻石爲

鯨魚長二百丈

元和志一

漢蘭池宮別在周氏陂陂在

咸陽縣東南三十里宮在陂南

雍錄六

軍敗戲

平長短經七資暇集上

水之上

戲水在臨潼縣東二十七里兩京道里記周幽王以

褒似遊於此故以名水至濁北流入渭

長安志十五

渾雞犬而亂放各識家而競入

或作河間道行軍元帥劉祥道破銅山大賊李義府

露布榜之通衢義府先多取人奴婢及敗一時奔散

各歸其家露布稱混奴婢而亂放各識家而競入此

也

舊唐書八十二

搆 胥

疏飲餞於東都

長安東出北頭第一門曰宣平門民間所謂東都門

疏太傅少傅乞歸祖道東都門外卽此其郭門亦曰

東都門黃圖一

吳飲馬之陽橋

飲馬橋在宣平門外黃圖六

踐宣平之清闕

宣平長安南門西征賦是此庾子山云望宣平之貴

里言貴戚之里寰宇記廿五案水經注長安志

禁扁諸書宣平並長安東門

四一碧琳琅館叢書

文選巳引矣

所謂尙冠修成

京兆治在故城南尙冠里

黃圖

乘風廢而弗縣

乘風名爰居一名襍縣海鳥言爲乘風之狀作龔虞

以縣鍾

急就篇注二

稅

曾不得與夫十餘公之徒隸齒

言王音王鳳宏恭石顯之徒不得與蕭曹終賈之卒
徒奴隸齒讀者言不得與十餘公齒謂隸齒爲齊等
之義謝朓宣城郡詩羣龍難隸齒豈非僻謬若但言

音鳳恭顯不如蕭曹邴魏安足以明激勸匡謬正俗七

軾樗里於武庫

樗里疾秦公子其里有大樗樹因號樗里子高誘戰國策注

二 未央長樂元和志曰兩宮相距中間正隔一里

此一里卽武庫樗里子墓雍錄

酒池鑿於商辛

廟記長樂宮中有酒池上有肉炙始皇造漢武行舟

地中酒池北起臺黃圖酒池武帝所作飲以鐵杯

重不能舉皆低頭牛飲元和志一

爆

掩細柳而撫劍

細柳倉在咸陽縣西南二十里漢舊倉也周亞夫軍

次細柳即此

元和志一

細柳倉咸陽縣西南三十里

長安

志十

元和志語與十道志合可據昆明池細柳原

名與亞夫營同然昆明池在都城西渭水南自古供

遊宴未過便橋也此時出師無由次渭南非要之地

雍錄

七

擣

輕棘灑之兒戲

棘門在咸陽縣東北十八里本秦關門漢文帝使將

軍徐厲屯棘門謂此元和志一

棘門秦時宮門長安志十三

本秦闕門雍錄七

索杜郵其焉在

杜郵亭在咸陽縣西南三十八里白起自刎處亭有

白起祠杜郵館在咸陽古苑城東長安志十三

岷岷 菴 納贖

非所望於蕭傅

武帝紀漢相國何之後何生鄩定侯延延生侍中彪

彪生公府掾章章生皓皓生仰仰生太傅望之梁書一

蕭氏出自宋戴公子樂父裔孫大心平南宮長萬

封於蕭為附庸徐州蕭縣是也

唐書七十一下案齊梁同祖相國又祖

太傅唐書表仍其誤謂望之本相國後考漢書何望之傳諸家注都無此言王符潛夫論九卷曰相國何沛人今長陵蕭其後也前將軍望之東海人杜陵蕭其後也王符漢人其言足錄齊梁書唐書表膏肓

蕭至忠依太平公主當國嘗出主第遇宋璟之戲

曰非所望于蕭傅至忠曰善乎宋生之言然不能自

返

唐書百二十二

偉龍顏之英主

經傳有額有角未有稱顏者曰額曰顏亦後世之稱

魏子翁古今攷一

翻助逆以誅錯

晁錯名古今皆讀如措字西征賦乃如字讀不知潘

岳何所據

費袞梁竊漫志六

前漢晁錯傳錯字無音班固

敘傳曰故安執節責通請錯蹇蹇帝臣匪躬之故作

措字讀潘安仁賦乃協入聲韻此如史記司馬晁錯

七各反又七故反又錯愕二字多讀入聲東漢錯愕

不能對乃音措互知二音通用

野宮叢書十二

駑橫橋而旋軫

始皇引渭水灌都象天漢橫橋南渡以法牽牛橋廣

六丈南北二百八十步六十八間八百五十柱二百

一十二梁橋南北隄繳立石柱

黃圖一

秦漢唐架渭

七碧琳瑯館叢書